

Izveštaj o radu Uprave policije MUP-a Kantona Sarajevo za mjesec februar 2021. godine

KRIMINALITET

STATISTIČKI POKAZATELJI

U mjesecu februaru 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 395 događaja sa obilježjem krivičnog djela (što je 10 ili 2,6% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 202 ili 51,1% su evidentirana po poznatom izvršiocu, a 193 ili 48,9% po nepoznatom izvršiocu.

Od ukupno 193 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 39 ili 20,2% (što je za 11,2% manje u odnosu na uporedni mjesec) od čega je 19 događaja iz mjeseca februara, a 20 iz ranijeg perioda.

U izvještajnom mjesecu Uprava policije MUP-a Kantona Sarajevo je nadležnim tužilaštvima prosljedila na odluku putem administrativnog djelovodnika ukupno 223 obavijesti (10 više) o događajima u kojima je pričinjena neznatna materijalna šteta:

U toku mjeseca februara ove godine prijavljeno je 231-no lice (25 više), 139 povratnika (25 više) (ili 60,2% od ukupnog broja prijavljenih lica), osam maloljetnika (isti broj), a 67 lica je lišeno slobode (15 manje).

Za događaje sa obilježjem krivičnog djela, koji su evidentirani u mjesecu februaru 2021. godine, prema izjavama oštećenih lica, nastupila je materijalna šteta u ukupnom iznosu od 557.690,61 KM i 300 € (u istom mjesecu prethodne godine 403.994,09 KM i 4.200 €).

**TABELARNI PREGLED DOGAĐAJA SA OBILJEŽJEM KRIVIČNOG DJELA, U MJESECU FEBRUARU 2021/20. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a**

KZ FBiH-a i KZ BiH-a	FEBRUAR 2021. GODINE	FEBR. 2020. GOD.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	19	23	-4	-21,1%	18	1	0	0%
Protiv slobode i prava čovjeka i građanina	20	11	9	45%	18	2	0	0%
Protiv spolne slobode i morala	1	1	0	isto	1	0	0	---
Protiv braka, porodice i mladeži	12	16	-4	-33,3%	12	0	0	---
Protiv zdravlja ljudi	51	43	8	15,7%	51	0	0	---
Protiv imovine	251	226	25	10%	66	185	38	20,5%
Protiv opće sigurnosti ljudi i imovine	8	5	3	37,5%	5	3	0	0%
Protiv sigurnosti javnog prometa	6	9	-3	-50	6	0	0	---
Protiv pravosuđa	3	1	2	66,7%	2	1	0	0%
Protiv javnog reda i pravnog prometa	15	32	-17	-113,3%	14	1	1	100%
Protiv podmičivanja i kd protiv služb. i dr...	7	12	-5	-71,4%	7	0	0	---
ZONDINOIM-a (Sl.novine KS br.01/18)	2	6	-4	-200%	2	0	0	---
UKUPNO	395	385	10	2,6%	202	193	39	20,2%

U mjesecu februaru 2021. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 10 ili 2,6%. Povećanje je zabilježeno u oblastima protiv imovine (za 25 događaja), slobode i prava čovjeka i građanina (za devet), zdravlja ljudi (za osam) itd., dok je najznačajnije smanjenje evidentirano u oblasti protiv javnog reda i pravnog prometa (za 17 događaja).

PREGLED REGISTROVANIH DOGAĐAJA SA OBILJEŽJEM KRIVIČNOG DJELA PO ČLANOVIMA KRIVIČNOG ZAKONA FBiH-a
NA PODRUČJU KANTONA SARAJEVO U MJESECU FEBRUARU 2021. GODINE

ČLAN	KZ	Naziv člana	UKUPNO	KD ¹	PP	NN	NR
				395	202	193	39
166/28	FBiH	UBISTVO U POKUŠAJU		4	4	0	0
172	FBiH	TEŠKA TJELESNA OZLJEDA		6	5	1	0
173	FBiH	LAHKA TJELESNA OZLJEDA		9	9	0	0
183	FBiH	UGROŽAVANJE SIGURNOSTI		19	17	2	0
184	FBiH	NARUŠAVANJE NEPOVREDIVOSTI DOMA		1	1	0	0
203	FBiH	SILOVANJE		1	1	0	0
222	FBiH	NASILJE U PORODICI		12	12	0	0
226	FBiH	NEPOSTUPANJE PO ZDRAVSTVENIM PROPISIMA ZA VRIJEME EPIDEMIJE		1	1	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA		3	3	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA		47	47	0	0
286	FBiH	KRAĐA		60	13	47	2
287	FBiH	TEŠKA KRAĐA st 1.tačka a)		109	15	94	21
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN		9	3	6	1
287/28	FBiH	TEŠKA KRAĐA U POKUŠAJU		6	4	2	2
289	FBiH	RAZBOJNIŠTVO		28	4	24	11
289/28	FBiH	RAZBOJNIŠTVO U POKUŠAJU		2	1	1	0
290	FBiH	UTAJA		7	2	5	0
293	FBiH	OŠTECENJE TUĐE STVARI		22	18	4	1
294	FBiH	PRIJEVARA		3	3	0	0
295	FBiH	IZNUDA		1	1	0	0
300	FBiH	PRIKRIVANJE		1	1	0	0
301	FBiH	PALJEVINA		3	1	2	0
323	FBiH	IZAZIVANJE OPCE OPASNOSTI		7	4	3	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA		1	1	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA		5	5	0	0
337	FBiH	NEUKAZIVANJE POMOĆI OSOBI OZLIJEĐENOJ U PROMETNOJ NEZGODI		1	1	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA		1	1	0	0
347	FBiH	LAŽNO PRIJAVLJIVANJE		1	0	1	0
348	FBiH	DAVANJE LAŽNOG ISKAZA		1	1	0	0
358	FBiH	SPRIJEČAVANJE SLUŽBENE OSOBE U VRŠENJU SLUŽBENE RADNJE		1	1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI		3	3	0	0
362	FBiH	NASILNICKO PONAŠANJE		4	4	0	0
366	FBiH	SKIDANJE ILI POVREDA SLUŽBENOG PEČATA ILI ZNAKA		1	0	1	1
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA		1	1	0	0
373	FBiH	KRIVOTVORENJE ISPRAVE		2	2	0	0
376	FBiH	IZDAVANJE I UPOTREBA NEISTINITE LIJEČNIČKE ILI VETERINARSKJE SVJEDODŽBE		2	2	0	0
379	FBiH	POVREDA MIRA POKOJNIKA		1	1	0	0
381	FBiH	DAVANJE DARA I DRUGIH OBLIKA KORISTI		1	1	0	0
382	FBiH	PRIMANJE NAGRADE ILI DRUGOG OBLIKA KORISTI ZA TRGOVINU UTICAJEM		2	2	0	0
383	FBiH	ZLOUPOTREBA POLOŽAJA ILI OVLAŠĆENJA		2	2	0	0
384	FBiH	PRONEVJERA U SLUŽBI		1	1	0	0
389	FBiH	KRIVOTVORENJE SLUŽBENE ISPRAVE		1	1	0	0

PREGLED DOGAĐAJA SA OBIJELJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom februara 2021. godine evidentirano je 19 događaja sa obilježjem krivičnog djela iz oblasti protiv života i tijela (četiri manje u odnosu na februar 2020. godine) i to 18 po poznatom i jedan po nepoznatom izvršiocu. Evidentirani su slijedeći događaji:

- ubistvo u pokušaju (član 166. KZ FBiH u vezi člana 28.) - četiri (tri više),
- teška tjelesna ozljeda (član 172. KZ FBiH) – šest (jedan manje) i
- lahka tjelesna ozljeda (član 173. KZ FBiH) – devet događaja (pet manje).

Nadležnom tužilaštvu podneseni su službeni izvještaji protiv 21 lica, od koji je 14 povratnika ili 66,7%, a šest je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 20 događaja sa obilježjem krivičnog djela (devet više) i to: ugrožavanje sigurnosti – 19 i narušavanje nepovredivosti doma – jedan događaj. Evidentirano 19 lica, od kojih je 12 povratnika (ili 63,2%).

Događaji sa obilježjem krivičnog djela ugrožavanja sigurnosti evidentirani su u kojima su izvršioци upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu februaru evidentirano je 12 događaja sa obilježjem krivičnog djela (četiri manje) i to - nasilje u porodici, za čije izvršenje je prijavljeno 12 lica, od kojih je šest povratnika (ili 50%), a sedam lica je lišeno slobode.

PROTIV ZDRAVLJA LJUDI

Evidentiran je 51 događaj sa obilježjem krivičnog djela iz oblasti protiv zdravlja ljudi (osam više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 47 i
- nepostupanje po zdravstvenim propisima za vrijeme epidemije (čl. 226. KZ FBiH) - jedan događaj.

Nadležnom tužilaštvu podneseni su službeni izvještaji protiv 51-nog lica, među kojima je 30 povratnika (ili 58,8%), a 17 lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv dva lica, zbog postojanja osnova sumnje da je u proteklom periodu u više navrata kupovali opojnu drogu "Marihuanu" i „Amfetamin“ od za sada nepoznatih lica, na raznim lokalitetima, istu prepakivali, a zatim vršili preprodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 47 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU FEBRUARU 2021/20. GODINE

vrsta opojne droge	FEBRUAR 2021. godine	FEBRUAR 2020. godine
Marihuana (paketići)	6	19
Marihuana (u gramima)	145,728	6.251,499
Heroin (u gramima)	19,613	19,128
Amfetamin (u gramima)	46,32	14,896
Ecstasy (u gramima)	---	2,168
Speed (u gramima)	968	44,549
Speed (paketići)	12	8
Pribor sa ostacima droge	---	1

PROTIV IMOVINE

U ovom mjesecu, evidentiran je 251 događaj sa obilježjem krivičnog djela protiv imovine (66 po poznatom i 185 po nepoznatom izvršiocu) što je za 25 ili 10% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 118 (jedan više),
- krađa (član 286. KZ FBiH) – 60 (tri više),
- razbojništvo (član 289. KZ FBiH) – 28 (četiri manje),
- oštećenje tuđe stvari (član 293. KZ FBiH) – 22 (13 više),
- prijevarena (član 294. KZ FBiH) - tri (jedan više), itd.

Nadležnom tužilaštvu podneseni su službeni izvještaji protiv 78 lica, od kojih je 50 povratnika (ili 64,1%), a 23 su lišena slobode.

Od ukupno 185 događaja evidentiranih po nepoznatom izvršiocu iz oblasti protiv imovine naknadno je rasvijetljeno 38 ili 20,5% što je za 11,5% manje u odnosu na februar 2020. godine.

Tokom mjeseca februara ove godine, prema objektima izvršenja teških krađa, 51. je izvršena u stambene objekte (11 više), 42. u motorna vozila (otuđenja motornih vozila i “provale” u ista) (sedam više), 17 prodavnicama (pet manje) i osam na ulici (tri manje).

Evidentirano je 17 otuđenja motornih vozila od čega su tri ili 17,6% pronađena i vraćena vlasnicima (Uprava policije MUP-a KS-a – dva i vlasnici su pronašli – jedno vozilo).

U odnosu na uporedni mjesec broj otuđenih motornih vozila, veći je za sedam ili 70%.

Evidentirano je 60 događaja sa obilježjem krivičnog djela krađe (tri više) i to u poslovnim prostorijama – 22 puta, na ulici – 17, u stambenim objektima - devet, u vozilima i na stajalištima GRAS-a - pet, u haustorima - tri, itd. odakle su otuđivani novčanici, mobiteli, kamere, bicikli, auto-dijelovi, itd.

Evidentirano je devet događaja sa obilježjem krivičnog djela teških krađa na naročito opasan ili naročito drzak način (tri po poznatom i šest po nepoznatom izvršiocu) što je za pet ili 35,7% manje u odnosu na februar prethodne godine, u kojima su izvršioci, upotrebom fizičke snage (otimanjem i trganjem) - osam puta i verbalnom prijetnjom u jednom slučaju, otimali mobitele, novac, torbe i sl. Navedeni događaji evidentirani su: šest puta na ulici, dva u prodavnici i u tramvaju - jedan.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica povratnika u činjenju krivičnih djela, koja su lišena slobode.

Od ukupno šest „drskih krađa“ evidentiranih po nepoznatom izvršiocu, naknadno je rasvijetljena jedna ili 16,7% što je za 58,3% manje u odnosu na uporedni mjesec.

U mjesecu februaru ove godine evidentirano je 28 događaja sa obilježjem krivičnog djela razbojništva (četiri po poznatom i 24 po nepoznatom izvršiocu) što je za četiri ili 12,5% manje.

Nadležnom tužilaštvu podneseni su službeni izvještaji protiv 14 lica, od kojih je 11 povratnika (ili 78,6%), a sedam lica je lišeno slobode.

Od ukupno 24 događaja razbojništva evidentiranih po nepoznatom izvršiocu, naknadno je rasvijetljeno 11 ili 45,8% (što je za 1% više u odnosu na uporedni mjesec).

Razbojništva su izvršena prijetnjom upotrebe vatrenog oružja - 13 puta, prijetnjom upotrebe noža ili drugog oštrog predmeta – sedam i upotrebom fizičke snage – osam puta, a počinjena su na ulici – 14 puta, u poslovnim prostorijama – 11, u haustoru stambene zgrade, kući i u apoteci – po jedno. Otudivani su mobiteli, novac i torbe.

PROTIV OPĆE SIGURNOSTI LJUDI I IMOVINE

Iz ove oblasti evidentirano je osam događaja (tri više) i to: izazivanje opće opasnosti – sedam i nesavjesno čuvanje pasa i drugih opasnih životinja – jedan događaj, a nadležnom tužilaštvu podneseni službeni izvještaji protiv pet lica, od kojih su četiri povratnika ili 80% i četiri lica su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru pet puta i u stambenim objektima – dva, pri čemu je tri puta aktivirana nepoznata eksplozivna naprava, u tri slučaju otvorenim plamenom izazvan je požar i u jednom slučaju je upotrijebljeno vatreno oružje. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 15 događaja sa obilježjem krivičnog djela (17 manje) i to: nasilničko ponašanje - četiri, napad na službenu osobu u vršenju poslova sigurnosti - tri, krivotvorenje isprave i izdavanje i upotreba neistinite liječničke ili veterinarske svjedodžbe – po dva, sprječavanje službene osobe u vršenju službene radnje, skidanje ili povreda službenog pečata ili znaka i povreda mira pokojnika – po jedan događaj.

Nadležnom tužilaštvu podneseni su službeni izvještaji protiv 24 lica od kojih je 11 povratnika (ili 45,8%), a tri su lišena slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu februaru 2021. godine evidentirano je osam događaja sa obilježjem krivičnog djela, u kojima je učestvovalo osam maloljetnih lica. U odnosu na isti mjesec 2020. godine smanjen je broj događaja sa obilježjem krivičnog djela za 11 ili 57,9%, dok je broj maloljetnih lica ostao isti. Prijavljeni maloljetnici su u dobi od 14 do 16 godina – pet, od 16 do 18 godina – tri. Od ukupnog broja maloljetnika dva su povratnika u izvršenju događaja sa obilježjem krivičnog djela.

STAROSNA DOB MALOLJETNIH LICA FEBRUAR 2021/2020. GODINU

MJESEC	od 14 do 16 god.	od 16 do 18 god.	ukupno
februar 2021. godina	5	3	8
februar 2020. godina	2	6	8

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA
MALOLJETNA LICA U MJESECU FEBRUARU 2021/2020. GODINE

dogadaji sa obilježjem krivičnog djela (KZ FBiH)	februar 2021.	februar 2020.
Teška tjelesna ozljeda	1	---
Lahka tjelesna ozljeda	1	1
Posjedovanje i omogućavanje uživanja opojnih droga	2	1
Razbojništvo	2	5
Teška krađa	---	1
Teška krađa na naročito opasan način	---	9
Nasilničko ponašanje	2	1
ZONDINOM	---	1
ukupno	8	19

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca februara 2021. godine na području Kantona Sarajevo evidentirana su tri događaja aktiviranja minsko-eksplozivnih sredstava (nije bilo u februaru 2020. godine) usljed čega je nastupila materijalna šteta. Za sada su u dva slučaja identifikovani učinioci i protiv njih su preduzete zakonske mjere.

U toku februara 2021. godine evidentiran je jedan slučaj anonimne dojave o postavljanju eksplozivne naprave (jedna manje u odnosu na februar 2020. godine).

POŽARI

Tokom mjeseca februara 2021. godine, na području Kantona Sarajevo registrovan je 21 požar (isto kao u februaru prethodne godine), čija je posljedica materijalna šteta.

Prema statističkim pokazateljima, četiri požara su izazvana namjerno, dva zbog tehničkih nedostataka, dok uzroci 15 požara spadaju u kategoriju ostalih.

Požari su registrovani u:

- Stambenim objektima - pet puta,
- Saobraćajnim sredstvima - tri,
- Poslovnim prostorima - dva,
- Pomoćnom objektu - jednom,
- Magacinu – jednom,
- Ostalim objektima - devet puta.

Zbog izazivanja požara, nadležnom tužilaštvu podneseno je šest službenih izvještaja: tri iz člana 323 KZ FBiH (izazivanje opće opasnosti) i tri iz člana 301 KZ FBiH (paljevina).

SAMOUBISTVA

U mjesecu februaru 2021. godine nisu registrovana samoubistva na području Kantona Sarajevo.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je pet pištolja, jedan nož, jedna eksplozivna naprava i 129 komada municije raznog kalibra.

Tokom mjeseca februara ove godine fizičkim licima izdata su 164 odobrenja za nabavku vatrenog oružja i 110 oružnih listova.

JAVNI RED I MIR

U toku mjeseca februara 2021. godine u oblasti protiv javnog reda i mira evidentirano je 627 prekršaja (237 ili 60,8% više u odnosu na isti mjesec 2020. godine), za čije izvršenje su prijavljena 642 lica (218 ili 51,4% više), od čega su 94 povratnika u činjenju prekršaja.

Zbog učinjenih prekršaja u oblasti protiv javnog reda i mira izdata su 592 naloga i podneseno je 35 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 608 prekršaja (ili 97%), a na prekršaje koji su utvrđeni Odlukom općinskih vijeća o javnom redu i miru 19 (ili 3%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (261), preko 36 godina (225), između 19 i 25 godina (150) i do 18 godina – šest učinilaca.

Prilikom narušavanja javnog reda i mira u mjesecu februaru 2021. godine, nije bilo teže povrijeđenih lica (isto kao u februaru 2020. godine), dok su tri lica (tri manje) lakše povrijeđena.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC FEBRUAR 2021/2020.GODINA

PREKRŠAJI IZ ZAKONA O JRIM:	februar 2021.	februar 2020.	+ - %
<i>-Tuče</i>	14	43	-29 ili 67,4%
<i>-Naročito drsko ponašanje</i>	28	60	-32 ili 53,3%
<i>-Odbijanje naređenja i omalovaž. pol. služb.</i>	123	26	+97 ili 373,1%
<i>-Prosjačenje</i>	114	152	-38 ili 25%
<i>-Svađa, vika, nepristojno ponašanje</i>	8	17	-9 ili 52,9%
<i>-Paljenje petardi</i>	---	1	-1
<i>-Uživanje opojne droge na javnom mjestu</i>	1	5	-4 ili 80%
<i>-Ostali prekršaji iz Zakona o JRiM</i>	320	54	+266 ili 492,6%
Prekršaji prema Odluci općinskog vijeća o JRiM	19	32	-13 ili 40,6%
ukupno	627	390	+237 ili 60,8%

Iz tabelarnog pregleda vidljivo je, da je tokom mjeseca februara 2021. godine, u odnosu na februar prethodne godine prema strukturi povećan sljedeći broj prekršaja:

- ostali prekršaji za 266
- odbijanje naređenja i omalovažavanje policijskih službenika za 97 dok je smanjen broj prekršaja:
- prosjačenja za 38
- naročito drskog ponašanja za 32
- tuča za 29
- prekršaja koji su regulisani Odlukom općinskih vijeća za 13
- svađe, vike, nepristojnog ponašanja za devet

- uživanja opojne droge na javnom mjestu za četiri
- paljenja petardi za jedan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima – 612 (97,6% od ukupnog broja), a znatno manje u ugostiteljskim objektima – tri, u trgovinama i zanatski radnjama - jedan i na ostalim mjestima - 11 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU
IZVRŠENJA ZA MJESEC FEBRUAR 2021/2020. GODINE

MJESTO IZVRŠENJA	FEBRUAR 2021.	FEBRUAR 2020.	+ - %
Ugostiteljski objekti	3	17	-14 ili 82,3%
Ulice i drugi otvoreni prostori	612	354	+258 ili 72,8%
Sportski stadioni	---	---	---
Škole i školska dvorišta	---	---	---
Trgovine i zanatske radnje	1	2	-1 ili 50%
Vozila javnog saobraćaja	---	1	-1
Ostala mjesta	11	16	-5 ili 31,2%
UKUPNO	627	390	+237 ili 60,8%

U odnosu na isti mjesec 2020. godine, povećan je broj prekršaja evidentiranih na ulicama i drugim otvorenim prostorima za 258 prekršaja, dok je smanjenje evidentirano:

- u ugostiteljskim objektima za 14,
- na ostalim mjestima za pet,
- u trgovinama i zanatskim radnjama za jedan i
- u vozilima javnog saobraćaja za jedan.

Na području Kantona Sarajevo u mjesecu februaru 2021. godine održan je 51 javni skup (98 ili 65,8% manje u odnosu na mjesec februar 2020. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u pet slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu februaru 2021. godine u odnosu na isti mjesec prethodne godine smanjen je ukupan broj saobraćajnih nezgoda, nezgoda sa materijalnom štetom i nastradalim licima i broj povrijeđenih lica, dok je broj poginulih lica povećan.

Registровано je 539 saobraćajnih nezgoda (208 ili 27,8 % manje u odnosu na februar prethodne godine), od čega su 493 sa materijalnom štetom (199 ili 28,7 % manje) i 46 sa nastradalim licima (devet ili 16,4 % manje).

Tokom mjeseca februara 2021. godine u saobraćajnim nezgodama na području Kantona Sarajevo dva lica su poginula (jedno ili 100 % više), dok su 52 lica povrijeđena (19 ili 26,8 % manje), od čega 10 teže i 42 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC FEBRUAR 2021./20. GODINE

	Februar 2021	Februar 2020.	+, -, %
UKUPNO SAOBRAĆAJNIH NEZGODA	539	747	- 208 ili 27,8%
Saobraćajne nezgode sa nastradalim licima	46	55	- 9 ili 16,4 %
Saobraćajne nezgode sa materijalnom štetom	493	692	- 199 ili 28,7 %
POGINULO LICA	2	1	+ 1 ili 100 %
- vozači	1	0	+ 1
-putnici	1	0	+ 1
- pješaci	0	1	- 1
POVRIJEĐENO LICA	52	71	- 19 ili 26,8 %
- vozači	25	31	- 6 ili 19,3 %
- putnici	16	21	- 5 ili 23,8 %
- pješaci	11	19	- 8 ili 42,1 %

U naselju je registrovano 490 saobraćajnih nezgoda (dvije sa poginulim, 41. sa povrijeđenim licima i 447 sa materijalnom štetom), van naselja 49 nezgoda (tri sa povrijeđenim licima i 46 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU FEBRUARU 2021. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	9	32	447	490	2	10	39
van naselja			3	46	49			3
UKUPNO	2	9	35	493	539	2	10	42

Prema kategoriji puta, najveći broj saobraćajnih nezgoda registrovan je:

- na ulicama u naselju – 319 nezgoda u kojima je 21. lice nastradalo (dva lica poginula, 19 lica povrijeđeno - šest teže i 13 lakše),
- na magistralnim putevima - 106 (20 lica povrijeđeno - tri teže i 17 lakše),
- na regionalnim putevima - 49 (pet lica lakše povrijeđeno),
- na lokalnim putevima - 21 (dva lica povrijeđena, jedno teže i jedno lakše),
- na putevima koji se ubrajaju u kategoriju ostalih - 44 saobraćajne nezgode (šest lica lakše povrijeđeno).

POSLJEDICE SAOBRAĆAJNIH NEZGODA

Tokom mjeseca februara 2021. godine, u saobraćajnim nezgodama na području Kantona Sarajevo nastradala su ukupno 54 lica (18 ili 25 % manje). Dva lica su poginula ² (jedno lice ili 100 % više), dok su 52 lica povrijeđena (19 ili 26,8 % manje), od čega 10 teže (jedno ili 11,1 % više) i 42 lakše (20 ili 32,2 % manje).

STEPEN POVREDA UČESNIKA U SAOBRAĆAJNIM NEZGODAMA

- Vozači :
25 vozača je povrijeđeno: šest teže i 19 lakše
- Putnici:
16 putnika je povrijeđeno: jedan teže i 15 lakše
- Pješaci:
11 Pješaka je povrijeđeno: tri teže i osam lakše
12

Starosna struktura nastradalih lica u saobraćajnim nezgodama je slijedeća:

- ispod 6 godina - jedno lice,
- od 6 do 17 godina - dva,
- od 18 do 30 godina - 14,
- od 31 do 40 godina - 12,
- od 41 do 50 godina - pet,
- od 51 do 65 godina - devet,
- 66 i više godina - pet,
- Nepoznata starosna dob - šest lica.

Starosna struktura nastradalih vozača u saobraćajnim nezgodama je slijedeća:

- od 18 do 30 godina - sedam lica,
- od 30 do 40 godina - sedam,
- od 40 do 50 godina - pet,
- od 50 do 60 godina - dva,
- 60 i više godina - pet lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 458 (dva lica poginula, 33 lica povrijeđena, osam teže i 25 lakše),
- neprilagođena brzina - 73 (17 lica lakše povrijeđeno),
- uticaj alkohola - pet (dva lica teže povrijeđena),
- nedostatak saobraćajne signalizacije - tri saobraćajne nezgode (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca februara 2021. godine, policijski službenici Uprave policije MUP-a Kantona Sarajevo kontrolisali su:

- 16.232 vozila i vozača (6.328 manje),
- 4.505 lica u vozilima (1.059 manje),
- pregledali 202 vozila (109 manje) i 148 lica u tim vozilima (52 manje).

Zbog tehničke neispravnosti iz saobraćaja je isključeno 51. vozilo (pet manje), 148 vozača je zatečeno da upravljaju vozilom pod dejstvom alkohola (197 manje), 341 bez korištenja sigurnosnog pojasa (323 manje), 137 bez položenog vozačkog ispita (81 manje), 59 pod izrečenom zaštitnom

mjerom (22 manje), 307 vozača je zatečeno da koriste mobitel tokom vožnje (157 manje) i 179 vozila je učestvovalo u saobraćaju bez važeće registracije (1.013 manje).

Zbog kršenja propisa iz oblasti sigurnosti saobraćaja uručeno je 14.036 prekršajnih naloga vozačima (10.214 ili 42,1 % manje u odnosu na februar prošle godine) i podnesena 172 zahtjeva za pokretanje prekršajnog postupka (91 ili 34,6 % manje).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca februara 2021. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 6.615 prekršajnih naloga (3.053 manje), upozoreno je 229 vozača (72 manje), a specijalnim vozilom "pauk" premješteno je 81. vozilo (321 manje).

Takođe, pješacima koji su kršili propise uručena su 143 prekršajna naloga (78 manje), a upozoreno je 28 pješaka (17 manje).

ZAKONITOST U RADU

Tokom mjeseca februara 2021. godine, registrovano je pet pojedinačnih napada (isti broj) na policijske službenike MUP-a Kantona Sarajevo. U napadima je učestvovalo pet punoljetnih lica, koja su lišena slobode.

Tokom mjeseca februara 2021. godine, razmatrane su 24 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za osam predstavki (jedna manje) provede unutrašnja istraga, za 12 predstavki je odlučeno da se izvrše provjere i prikupi dokumentacija, a za četiri da su neosnovane.

Od ukupno 24 razmatrane predstavke, 16 je podneseno od strane građana, dok osam predstavki predstavljaju saznanja iz službe.

Okončano je 16 unutrašnjih istraga, među kojima je sedam bilo bez dovoljno dokaza, pet je nesnovanih, tri su osnovane, dok je u jednom slučaju stranka odustala od žalbe.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Po pitanju koordinacije Rada policije u zajednici s vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovne su slijedeće aktivnosti:

- Podržana kampanja koja se odnosi na pomoć osobama u problemu ovisnosti u smislu promocije besplatnog savjetovišta i telefonskog broja kroz promo materijale,
- Nastavljena realizacija projekata „Program socijalizacije s pravom“, „Jačanje tužilačkih kapaciteta u sistemu krivičnog pravosuđa u Bosni i Hercegovini“ i „Cyberbulling“ u on-line modelu kroz održane radionice u osnovnim školama na području Kantona Sarajevo u kojima je učestvovalo 108 učenika.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, čime su preventivno djelovali na pojavu narušavanja javnog reda i mira prosjačenjem kao i činjenja krivičnih djela.

Preduzimane su aktivnosti, mjere i radnje, vezane za pandemiju „Koronavirusa“ (COVID-19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja.

Vršen obilazak ugostiteljskih objekata u cilju kontrolisanja broja lica u istim kao i ograničenju rada. Kontinuirano je vršen obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 4.028 migranata.

U mjesecu februaru 2021. godine migranti su učestovali u osam događaja sa obilježjem krivičnog djela i to:

- Ubistvo u pokušaju (član 166. u vezi čl. 28. KZ FBiH-a) – jedan,
- Lahka tjelesna ozljeda (član 173. KZ FBiH-a) – jedan,
- Posjedovanje i omogućavanje uživanja opojnih droga (član 239. KZ FBiH-a) – jedan,
- Krađa (član 286. KZ FBiH-a) – jedan,
- Teška krađa u pokušaju (član 287. u vezi čl. 28. KZ FBiH-a) – jedan,
- Razbojništvo (član 289. KZ FBiH-a) – dva,
- Razbojništvo u pokušaju (član 289. u vezi čl. 28. KZ FBiH-a) – jedan događaj.
-

Tokom mjeseca februara 2021. godine, službenici policije proveli su šest akcija, kontrolisali 298 migranata, od čega 122 nije posjedovalo registracijski obrazac, 11 je predato službi za poslove sa strancima radi registracije i 191 migrant je smješten u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC FEBRUAR 2021. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	4.028
UKUPAN BROJ KONTROLISANIH MIGRANATA	298
BROJ MIGRANATA LIŠENIH SLOBODE	8
BROJ KRIVIČNIH DJELA POČINJENIH OD STRANE MIGRANATA	8
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	9
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	6
BROJ MIGRANATA PREDATI U IMIGRACIONI CENTAR ILI SLUŽBI ZA POSLOVE SA STRANCIMA	192

Sarajevo, 11.03.2021. godine

Odjeljenje za odnose s javnošću